

# ADYAYA I

## PURWAKA

### 1.1 Dadalan Pikobet

Basa lan aksara daerah pinaka silih sinunggil tetamian kabudayaan sane patut kalestariang, punika mawinan basa lan aksara daerah puniki ngamolihang pariangen saking pamerintah. Pariangen punika saking pamerintah pusat miwah pamerintah daerah. Pinaka cihna indik pariangen saking pamerintah indik *eksistensi* basa lan aksara daerah punika wenten ring UU No 5 warsa 2017 indik Pamajuan Kabudayaan sane ngukuhang indik basa lan aksara daerah pinaka aset kabudayaan nasional sane silih sinunggil dados objek pemajuan budaya sane patut kalestariang kaanggen nincapang ketahanan budaya bangsa lan *kontribusi* budaya Indonesia ring aab mangkin. Antuk punika, basa daerah silih sinunggilnyane basa Bali pinaka basa ibu ring daerah Bali patut kalestariang mangda setata ajeg ring aab mangkin. Yening ring pamerintah daerah, utamanyane pamerintah daerah Bali, pariangen indik palestarian basa, aksara miwah sastra Bali punika wenten ring Peraturan Daerah Provinsi Bali No 1 warsa 2018 sane matetujon *menetapkan* kawentenan basa, aksara lan sastra Bali mangda prasida katincapang dados *jati diri* daerah Bali.

Ring aab mangkin, kawentenan *penutur* basa Bali karasayang sayan rered santukan kawentenan basa Indonesia, punika manut saking *kualitas* taler saking *kuantitas*. Pateh sareng kawentenan aksara Bali, kawentenannyane mangda ngamolihang pariange sane sumeken (Giri, 2017). Wenten *faktor internal* sane ngawinang punika, luiornyane krana aksara Bali madue tata nyurat sane *kompleks* miwah paplajahan indik aksara Bali ring wewidangan sekolah nenten prasida nudut kayun para sisia ngawinang aksara Bali nenten rumasa dangan kaplajahin (Gita, 2018). Sakadi ring duur punika wenten *faktor internal* sane ngawinang masyarakat Bali punika meweh malajahin aksara Bali, puniki wenten malih *faktor eksternal* sane ngawinang masyarakat Bali meweh malajahin aksara Bali, inggih punika indik kirang indik pangweruh aksara Bali ring lingkungan, santukan ring aab mangkin nenten makeh parajana sane seneng malajah indik aksara Bali. Miwah kawentenan

ius *globalisasi* mangkin, sane makta kabudayaan *asing* ngeranjing ngawinang ngikis budaya sane sampun wenten (Wardani, 2022).

Manut Negara (2018:77), basa Bali silih sinunggil basa daerah utawi basa ibu sane madue tata sesuratan padidi inggih punka tata sesuratan aksara sane kari kaanggen ngantos mangkin. Nanging wantah akidik jadm Bali sane prasida uning tata nyurat aksara Bali sane patut, punika santukan tata nyurat aksara Bali puniki rumasuk tata nyurat sane *kompleks*. Tata sasuratan huruf latin sareng tata sasuratan aksara Bali madue pabinayan. Tata sesuratan huruf latin nganutin nyurat alfabet, inggih punika genah sesuratannyane wantah ring siki *garis lurus* utawi *linear*. Yening aksara Bali punika tata sesuratannyane nganutin tata sesuratan *abugida* utawi *alfasilabis*, cirinyane aksara ipun marupa wanda, tegesnyane siki aksara nyinahang kalih unsur, punika unsur *konsonan* miwah *vokal bawaan* sane marupa 'a'. Imba ipun sakadi nyurat "ca", yening ring huruf latin "ca" punika kawangun antuk kalih huruf (huruf "c" miwah huruf "a"). Nanging yening rikala nyurat aksara Bali, siki aksara sampun prasida nyinahang kalih suara, tegesnyane rikala nyurat aksara Bali "ca" punika prasida wantah kasurat antuk aksara "ᑦ".

Karimbitan tata sesuratan aksara Bali punika prasida kacingak rikala ngwacen miwah nyurat aksara Bali. Rikala ngwacen, wenten aksara Bali madue siki *ejaan* sane suaranyane akeh, inggih punika sakadi ngwacen aksara ᑦᑦᑦ, punika prasida kawacen /ha/ ring krana 'ngorahang' punika kasuat ᑦᑦᑦᑦᑦᑦ, masuara /h/ ring krana 'luh' punika kasurat ᑦᑦᑦᑦᑦᑦ, miwah masuara /a/ ring krana 'matan ai' punika kasurat ᑦᑦᑦᑦᑦᑦᑦᑦ. Yening ring nyurat aksara Bali punika rimbit ipun wenten siki suara sane madue akeh sesuratan sakadi suara "r" sane prasida kasurat dados aksara ᑦᑦᑦ punika ring krana 'rabi' punika kasurat ᑦᑦᑦᑦᑦᑦ, aksara ᑦᑦᑦᑦᑦᑦ

punika ring kruna 'krana' punika kasurat ᮒᮓᮒᮓ, miwah aksara ᮒᮓᮒᮓ rikala nyurat

kruna 'margi' punika kasurat ᮒᮓᮒᮓ.

Kawentenan karimbitan-karimbitan punika sane ngawinang *inkonsistensi* utawi *keambiguan* rikala nyurat aksara Bali. Punika sane ngawinang sisia rumasa meweh malajah indik aksara Bali, santukan sapatutnyane wenten *transparansi* sane mapaiketan ring pantaraning wangun basa silih sinunggilnyane aksara sareng suara utawi *fonemnyane*. Imba ipun sakadi sesuratan 'Anyar' sane sapatutnyane kasurat ᮒᮓᮒᮓ nanging wenten sesuratan sane malianan nanging suaranyaane pateh inggih punika ᮒᮓᮒᮓ. Yening kawacen malih sesuratan makakalih punika sami prasida ngawetuang suara 'Anyar', nanging yening kaselehin malih manut uger-uger nyurat aksara Bali, aksara ᮒᮓᮒᮓsane kasarengin antuk konsonan punika magentos dados pangangge tengenan sane marupa surang (ᮒᮓᮒᮓ). Punika sane prasida kabaos *inkonsistensi* utawi *keambiguan* rikala sisia malajah nyurat aksara Bali.

Karimbitan sesuratan aksara Bali puniki nyinahang indik aksara Bali puniki madue uger-uger sesuratan sane dalem. *Ortografi* puniki madue kalih pahan, punika *ortografi dalam* miwah *ortografi dangkal* (Frost, 1992). Yening ring *ortografi dalam* puniki sane kaplajahin olih pangwacen inggih punika pangucapan kruna-kruna sane nenten biasa lan paiketannyane nenten langsung. Yening ring *ortografi dangkal* punika ring *grafem* miwah *fonem* punika madue paiketannyane soang-soang. Punika sane ngawinang meweh rikala nyurat siki suara utawi *fonem* ring tata sesuratan.

Kacingak saking pikobet sane wenten indik meweh malajah aksara Bali, punika dados dasar pemerintah maosang indik basa, aksara, miwah sastra Bali mangda kaicen ring samian *jenjang pendidikan* mawit saking *dasar* ngantos *menengah* mangda dados paplajahan wajib ring Provinsi Bali, punika wenten ring *Peraturan Gubernur Nomor 20 Warsa 2013*. Taler saking *observasi awal* sane

sampun panilik laksanakan marupa wawancara sareng guru basa Bali ring SMP Negeri 2 Sawan punika maosang yening paplajahan aksara Bali sane wenten ring sekolah mangkin durung samian sisia prasida ngresepang santukan pemahaman saking soang-soang sisia punika malianan. Punika sane ngawinang tetilikan sane kamargiang puniki ngambil unteng tetilikan indik kawagedan nyurat aksara Bali sisia SMP Negeri 2 Sawan: seseleh *fonem-grafem* sane berbasis *kosakata dasar* sane kaanggen sadina-dina mangda prasida *relevan* lan prasida mabuat dangan majeng ring para sisia rikala nyurat aksara Bali.

Tetilikan puniki nenten ja dados tetilikan sane kapertama sane nilikin parindikan kawagedan nyurat latin-aksara Bali, utamanyane nyelehin *grafem*. Wenten makudang-kudang panilik sane sampun nilikin indik seseleh *grafem*. Sane kapertama wenten Kadek Dwik Adilia (2021) sane mamurda "Kawagedan Nyurat Aksara Bali Sisia Kelas XII MIPA 6 SMA Negeri 1 Blahbatuh ring *Web Bennylin Nulis Aksara Bali*", sane kaping kalih wenten Ketut Tia Supartini (2022) sane mamurda "Seseleh *Grafem* Aksara Bali Ri Sajeroning Kamus Maaksara Bali-Latin" ring tetilikan puniki nilikin indik parindikan seseleh *grafem* ring kamus maaksara Bali-latin lan sane kaping tiga wenten Ni Luh Intan Pramita Sari (2022) sane mamurda "Seseleh *Blok* Aksara Bali Miwah Wangun Dasar Sajeroning *Lema* Kamus Maaksara Bali-Latin". Tetilikan puniki sareng tetilikan sane lianan saling mapaketan santukan mahbahang indik kawagedan nyurat aksara Bali miwah kawentenan paketaan indik *fonem* miwah *grafem*.

Kajantenang pabinayan ring tetilikan sane ngenenin indik kawagedan nyurat aksara Bali akehan tetilikan punika mapaketan sareng *Praktik Tinjauan Kelas* (PTK). Panilik nyelehin punapi pidabdab nincapang kawagedan nyurat aksara Bali manut *aspek pedagogis* sakadi, media paplajahan, metode paplajahan, miwah sane lianan. Yening ring tetilikan puniki nenten nyelehin manut *aspek* punika, nanging sane katilikin punika indik kawagedan nyurat aksara Bali sisia madasar antuk kawagedan sisia *memetakan* paketaan *fonem* miwah *grafem*. Pabinayan sane lianan punika, yening tetilikan lianan data punika kapolihang saking kamus, nanging yening tetilikan sane jagi kamargiang puniki nganggen metode *tes* sane kamargiang ring sisia, saking punika kapolihang data marupa sesuratan *kosakata dasar* aksara Bali.

Saking pabinayan punika prasida kauningin ngantos mangkin durung wenten pidabdab *ngukur* kawagedan nyurat aksara Bali nganggen seseleh *fonem-grafem* antuk *kosakata* dasar. Antuk punika, tetilikan puniki patut kamargiang mangda prasida ngicenin gegambaran indik kawagedan lan pangresepian nyurat aksara Bali sisia ring wewidangan sekolah menengah nganggen tes 100 *kosakata dasar* sane sampun kauningin ring kahuripan sadina-dina. Madasar antuk punika kamargiang tetilikan sane mamurda "Kawagedan Nyurat Aksara Bali sisia SMP Negeri 2 Sawan: Seseleh *Fonem-Grafem*"

## **1.2 Ngrereh Pikobet**

Manut saking dadalan pikobet sane wenten ring ajeng, sampun wenten makudang-kudang pikobet sane kapanggihing, punika dados dasar pamargin saking tetilikan puniki, punika minakadi: (1) Kawentenan indik aksara Bali sane rumasa meweh kaplajahin (2) Kawentenan para sisia ring sekolah durung waged indik nyurat aksara Bali (3) Kirangnyane pangweruhan sane ngenenin indik *fonem-grafem* ri sajeroning paplajahan aksara Bali.

## **1.3 Ngwatesin Pikobet**

Ring tetilikan puniki, pikobet sane sampun kapanggihing ring ajeng punika jagi kawatesin olih panilik. Pikobet punika kawatesin riantukan wenten makudang-kudang parindikan, sakadi: (1) tetilikan puniki kabanda antuk galah santukan galah tetilikan puniki sampun katentuang (2) ngicen galah majeng ring panilik sane lianan mangda prasida nyangkepin tetilikan puniki mangda prasida paripurna kanton kawentenan parindikan sane lianan. Tetilikan puniki pinaka tetilikan sane pacang kamargiang antuk nelebin parindikan pikobet kawagedan nyurat aksara Bali ring sisia SMP Negeri 2 Sawan miwah indik kadaleman *ortografi* ring *literasi* dasar maaksara Bali sisia ring SMP Negeri 2 Sawan antuk *kosakata dasar*.

## **1.4 Bantang Pikobet**

Malarapan saking dadalan pikobet sane sampun katlatarang ring ajeng, kapolihiang bantang pikobet sane mapaiketan sareng tetilikan puniki. Inggih punika sakadi ring sor:

1. Sapunapi kawentenan *fonem* basa Bali ring sesuratan *kosakata dasar* maaksara Bali sisia SMP Negeri 2 Sawan?
2. Sapunapi kawentenan *grafem* basa Bali ring sesuratan *kosakata dasar* maaksara Bali sisia SMP Negeri 2 Sawan?
3. Sapunapi kawagedan nyurat *kosakata dasar* maaksara Bali sisia SMP Negeri 2 Sawan nganggen seseleh *fonem-grafem*?

### 1.5 Tetujon

Malarapan antuk dadalan pikobet ring ajeng punika, tetujon sane kapolihang saking tetilikan puniki sakadi:

1. Mangda prasida mahbahang kawentenan *fonem* basa Bali ring sesuratan *kosakata dasar* maaksara Bali sisia SMP Negeri 2 Sawan.
2. Mangda prasida mahbahang kawentenan *grafem* basa Bali ring sesuratan *kosakata dasar* maaksara Bali sisia SMP Negeri 2 Sawan.
3. Mangda prasida uning kawagedan nyurat aksara Bali sisia SMP Negeri 2 Sawan nganggen seseleh *fonem-grafem*.

### 1.6 Kawigunan Tetilikan

Kawentenan tetilikan puniki kaaptiang mangda prasida ngicenin kawigunan majeng ring sang sane ngwacen. Kawigunan saking tetilikan puniki kakepah dados kalih kawigunan, inggihan punika: (1) Kawigunan Pamucuk miwah (2) Kawigunan Panglimbak.

#### 1.6.1 Kawigunan Pamucuk

Kawigunan pamucuk ring tetilikan puniki kaaptiang mangda prasida ngicenin pawewehan pangresepang kaweruhan ri sajeroning parindikan sane ngenenin indik kawagedan tata nyurat aksara Bali.

#### 1.6.2 Kawigunan Panglimbak

Kawigunan panglimbak puniki kawigunan sane kaaptiang prasida ngicenin pangresepang kaweruhan majeng ring sang sane ngwacen miwah panilik. Kawigunan panglimbak ring tetilikan puniki sajangkepnyane:

#### 1.6.2.1 Majeng ring Sisia

Tetilikan puniki kaaptiang mangda prasida dados piranti sane kaanggen *evaluasi* ring sisia SMP Negeri 2 Sawan mangda sayan waged ngenenin indik nyurat aksara Bali sane patut.

#### 1.6.2.2 Majeng ring guru

Pikolih saking tetilikan sane kamargiang puniki kaaptiang mangda dados *evaluasi* majeng ring guru, nenten wantah guru sane wenten ring *jenjang* SMP nanging majeng guru ring samian *tingkat satuan pendidikan*. Kawentenan pikolih saking tetilikan puniki mangda prasida kaanggen *evaluasi* sapunapi usaha guru nincapang pangresep mangda sisia ipun prasida waged ritatkala naenin nyurat aksara Bali sane patut.

#### 1.6.2.3 Majeng ring pangurati aksara Bali

Majeng ring pangurati aksara Bali, pikolih saking tetilikan puniki mangda prasida dados *cerminan* sapunapi usaha mangda kaweruhan indik aksara Bali nenten ical lan prasida setata ajeg ring masyarakat.

#### 1.6.4 Majeng ring panilik sane lianan

Majeng ring panilik sane lianan sane nilikin indik aksara Bali, kaaptiang mangda tetilikan sane kamargiang puniki pikolihnyane mangda prasida dados *referensi*.